

1605 34-6-C-13-6  
PETRI ANDREAE 54

CANONHERII

ACADEMICI SPENSIERATI

*Philosophia, Medicina, ac sacrae Theologiae Doctoris.*

ORATIO

*De Laudibus Litterarum habita Parme in aede Sanctae  
Mariae Stachades.*

III. NO: NOVEMBRIS.

1604.

AD


ILLVSTRISSIMVM ET REVER:

D HIERONYMVVM

BERNERIVM

S. R. E. CARDINALEM.

AMPLISSIMVM.



*ex Legato*



*St. M. Coccini*

FLORENTIAE,

---

Apud Volmar Timan Germanum. 1605.

*Patrum non sine permissu.*

PETRI ANDER

1847

NOVEMBER 1847

OLYMPIA, WASH. TERR.

WASH.

TO THE HONORABLE

MEMBERS OF THE

LEGISLATURE

1847

IN

TESTIMONY

TO THE HONORABLE

MEMBERS OF THE

LEGISLATURE

1847




TESTIMONY

TO THE HONORABLE

MEMBERS OF THE

LEGISLATURE



HIERONYMO

BERNERIO,

CARDINALI AMPLISSIMO.

PETRVS ANDREAS

CANONHERIVS

S.D.



FFERO tibi Illustrissime Car  
dinalis hoc munus perexiguum.  
Quin verò illud ipse, animumq;  
meum serena fronte sis complexu  
rus non vereor, cum scias illum  
duntaxat verum sapientia sapientissimum esse  
dicendum, qui nō minorem alacritatem animi in  
rebus parvis ab obscuris, quàm in magnis à nobi-  
libus viris accipiendis praeferat. Vale. Florentia  
V. Kal. Ianuarij. MDCV.



**V**EMADMODVM ŷ, qui tran-  
 quille in terra vitam degebant, ali-  
 quo desiderio affecti perpulchram, or-  
 natamq; nauim conscendunt, ancho-  
 ris solutis plenissimis velis nauigare  
 incipiunt, secundissimèq; cursum te-  
 nētes littora relinquunt, cū deinceps  
 in mare, quod antea quietum erat, ventorum vi agitari, atque  
 turbari intueantur, quocunq; oculorum aciem conuertant,  
 fluctus, nimbos, turbines circumspiciant; tot procellis commo-  
 ti iustam propemodum causam habent timendi nē omnium  
 pretiosarum mercium, atq; ipsius vite maximum, miserrimi-  
 mumque naufragium fiat. Sic ego P. A. qui in studijs ho-  
 nestarum disciplinarum quiete versabar, quādam cupiditate  
 permotus in hunc sanctum, atque augustum locum ad di-  
 cendum precipue delectum veluti in fluctuantem nauim  
 ascenderim, vbi non velis, non remis, sed lingua, & litteris  
 eloquentissimi viri nauigare felicissimè consueuerunt, cū  
 iam libros missos fecissem, tempore in tempestatem mutato,  
 studio antea placato, in medio tot grauissimorum virorum,  
 tanquā nauim in vastissimo Oceano posito, & collocato; quo-  
 cunq; me vertam, undas oculorum vestrorū quodam qua-  
 si aestu efferuescentes, nunc accedentes, nunc recedentes inspi-  
 cio, metu perturbatus fama, honoris, glorie, ornamentorumq;  
 omnium rotam perhorresco. Etenim si Marius vir consula-  
 ris, quendam armatissimum seruum, sibi violentas manus  
 inferre volentem solummodò eminentibus oculis adeò perter-  
 refecit, ut ensē ad corpus confodiendum destinatum, homi-  
 nem ad facinora perpetranda audacem cohibuerit. Quid  
 mihi animi esse oportet, qui imparatus ad loquendum, sermo

ne inornato, atq; inconcinno oratione soluta, et ineleganti  
 de horridis verbis non nitida, de ieiunis non plena, de perui-  
 gatis non noua, ad aures vestras obstrependas huc accessi,  
 quæ cum inauditum sonitum audierint fortasse obsurdescent,  
 & veluti ensium mucrones illas ferient, et contrucidabunt.  
 Et apud vos dico P. A. ad quos cum oculos meos coniicio, to-  
 tidem Marios oculis mihi videor videre. Sed abeat iste ti-  
 mor, non enim recte diceretur miles ille timere, qui visa hostili  
 militum manu, cum fugam petere, vel subterfugere posset, ta-  
 men vel hostium ignauia, vel sui fortitudine, vel aliqua alia  
 re confusus, vel belli & mortis periculis assuetus in illam in-  
 trepidè irrumpit, pugnamq; diu sustinendo quasi hostem ter-  
 ga dare abiectè cogit. At timore nemo me etià liberaret,  
 qui huius perquam ardui muneris, perdifficilisq; provincie  
 difficultate considerata, eam vitare potuissem; tamen non  
 mea, sed altiori quadam fortuna comite, & duce suscepissem,  
 vestra incredibili humanitate fretus, ventis aurium vestra-  
 rum nauicule debilis ingenij mei non deficientibus, portum te-  
 nebo; ad quem quidem omnes singularum scientiarum merces,  
 tribus potissimum de causis non conuportabo. Prima est, plu-  
 rimarum rerum onus, quasi me operarem, rerum maximarum,  
 & prestantissimorum mole, atq; pondere oppressus succumbe-  
 rem, audaxq; temeritas esset mihi ea laudare, & per breui  
 spatio temporis, quæ nec Ciceronis elegantia, nec Demosthenis  
 vis, nec Platonis copia, nec Isocratis iocunditas, nec Lelij le-  
 nitas, nec Africani grauitas suorum ingeniorum vi efferre  
 laudibus satis possent; quæque non exiguis circumscripte fini-  
 bus, sed latissimè patentes immensum laborem, & tempus  
 acutissimum ingenium, ardens studium, sum namq; postu-  
 lant exercitationem. Secunda ne fortasse vobis accideret,  
 quod

quod maxima siti laborantibus usu venire solet, quibus cum aqua in memoriam casu, vel consultò reuocetur, eamq; poscentibus modicam aquam quis exhiberet, qua non magnus sitis ardor extingueretur, sed potius inflammaretur, & sitientes acriori siti exardescerent, vos etià singularum sciètiarum, laus & iocunda recordatio animos vestros maximè caperet, qua sitim explere, & satiare plenè, et cumulàte concupisceretis, multa bibere cupidè expectantes, paruulo poculo appposito, & porrecto vehementiori siti proculdubio afficeremini; vel etià quod tertia est, insuauem, insipidumq; schyphum vobis præberem in portione statim exclamaretis, vos maxima satietate esse defessos, fastidioq; multum defatigatos, & nausæ molestia suscepta omnia stomachantes eijceretis. Quamobrè ut omnia quantum fieri possit euitemus, Zeufim excellentissimum pictorem imitabor, qui ut pulcherrimam mulieris formam perbellè componeret, atq; effingeret, umq; plurimas formosissimas nudè, & quam maximè intentis oculis singularum pulchritudinem esset contemplatus, queque pictura digna secum ipse diu multumq; considerasset, à singulis præcipuas, et excellentiores partes articulatim abstraxit, omnesq; ut diuersis filis telam textores texunt contexisset, unam omnium aspectu elegantissimam copulauit, atq; effinxit, in qua earum mulierum, & perfectiori modo species, quæ prius disperse fuerunt, in unam collectæ atque congregate mirum in modum cernebantur. Ego etià etsi non tam excellentèr, tamè quantum vires meæ ferre poterint, à singulis scientijs peculiare laudes seuocabo, quod quæ uniuscuiusq; proprium est, commune faciens, tanquam aliquod logicum uniuersale ab indiuiduis seuocatum vobis hodierna die representabo. Et quoniàm pictores ante aquam

aliquod

aliquod forment, figurent, vel animent, colores præparant,  
 vel succo illicitos, & dilutos, vel sanguine diffusos, & cui rei  
 qualis color adhiberi debeat, aliquando cum dubitent, dein-  
 de omnibus paratis, aptam membrorum fabricam, conforma-  
 tionem lineamentorum, miro quodam artificio aggrediuntur.  
 Ego etiam ut præclarior aditus ad sciētias mihi pateat, que-  
 stiunculam quādam nempe utrū præstantius multarū scien-  
 tiarum mediocrem cognitionem habere, vel unius esse peritis-  
 simum brevissimè enucleabo. Ferè omnibus ad Paulinū scri-  
 bentis Plinij, se malle multarum doctrinarū ex cultū, quàm  
 unius doctissimum esse summopere sententia placet. Quod si  
 cui vestrum subdifficilis appareret, si in id, quod dicturi su-  
 mus mentem intendere paulisper voluerit, in communem opi-  
 nionem facillimè traducetur. Nàm si rerum omnium qua-  
 si adumbratas quasdam intelligentias animo, ac mente ho-  
 mines principio concipiunt, & commune quoddā vinculum,  
 et cognationē scientiæ inter se strictim contineant. Quid causæ  
 est cur semina nobis à natura insita, aspernari & refellere ve-  
 limus, quæ complecti atq; augere maximè deberemus, non  
 dissoluendo, nec separando quod parens omnium natura libe-  
 re coniunxit, & copulavit. Profectò insignem iniuriam ac-  
 cipere natura videtur, quæ cum tot bona coagmentasset, &  
 liberaliter, benignitateq; sua nobis largè, effusq; donasset,  
 tantam magnificentiam repudiamus. Non nè fasciculum  
 ex diversorum florum generibus, quàm ex unius collectum,  
 atq; cōflatum propter varietatem visu est iocundius, propter  
 suavitatem odorum, qui è floribus afflantur odoratu est gra-  
 tius, & Princeps in diuersas regiones, & latissimas prouin-  
 cias dominari mallet, cum à multorum populorū dominatu,  
 ac dictione potentia oriatur, & magis insuper crescat, quàm  
 habere



habere aliquam definitam regionem, quāvis munissimam  
quæ exiguis terminis septa claudatur. Nonne etiam homo  
b Varijs scientijs institutus, & imbutus mirabilior, sapien-  
tior vno omnium consensu erit, & omnes in cognitione earum  
rerum, a quibus omnis sapientia, quā in eis, à quibus exi-  
gua, prouenit versari enixè, & studiosè deberent. Si nihil  
est, ut inquit eloquentiæ flumen Marcus Tullius, per quod  
magis Deo similes efficiamur, quā per ipsum scire, Deus  
autem presentia, præterita, atq; futura aperitissimè cognoscat,  
omnibusq; rebus per potentiam, præsentia, & essentiam sem-  
per adsit. Quis dubitare potest homines quanta plura cogi-  
ta habuerint scientiarum omnium auctori ipsi diuino numini  
similior fore. Quæ ex vno, vel duobus elementis conficiun-  
tur, non mixta sed iuxta se posita propriè nominamus; quæ  
ex pluribus generationes nuncupantur. homines; qui vna vel  
duabus scientijs instituuntur, non doctos, sed scientes propriè  
appellare possumus. Qui ex plurimis docti, atq; sapientis no-  
men sibi iure meritò vindicant. Ad hominis constructio-  
nem quædam præcedunt, & ex duabus, non ex vna essentia-  
libus partibus, ab alijs tanquā integrantibus & perficien-  
tibus compositum perfecte perficitur. Ad periti viri stru-  
cturam, atq; cōstitutionem quædam scientiæ præcurrere de-  
berent, deinde ex duabus essentialibus saltem, à cæteris au-  
tè hoc admirabile compositum pulcherrimè ornantibus, con-  
strui deberet, quo sic extructo, nihil admirabilius esse, vel in-  
ueniri posset. Quid enim per Deum immortalem accuratius,  
& quod magis diuinitatem redoleat, in hominum mentibus  
esse posset, quā eundem hominem habere lautam quiddam,  
& splendidam suppellectilem optimorum verborū, & locis-  
simarum sententiarum, & de vnaquaque nobili disciplina in



conueniunt hominum, aptè, distinctè, ornatè, copiose dicere. Preclara fortissimorum heroum gesta, elegantissimis carminibus canere, homines delectare, omnes ad gloriæ cursum vehementer inflammare. Egregij Principis laudes, facinorosi vituperia, actiones, consilia, felices, infelicesq; exitus, urbes direptas, prouincias captas, regna uastata, nationes subactas, agrorum populationem, belli cladem, victoriam, direptionem, pacem, concordiam, incendia, militum obedientiam Imperatorum scientiam, atq; peritiam egregiè recensere. De numero composito, & incomposito, armonico, & geometrico, de pari, & impari, de superuacaneo, & diminuto, deq; eius speciebus, ac proprietatibus acutè pertractare. De uocum modulatione, concetu, & numero, compositione luculentè agere. De quantitate continua, punctis, lineis, superficiebus, corporibus, triangulis, quadrangulis, cubis, & reliquis id genus formis, & dimensionibus rebusq; ab hac pendentibus, ut picturis, architecturis, statuarijs, agrimensuris subtiliter loqui. Possè dicendo tenere hominum cæsus, allicere mentem, opem ferro supplicibus, tueri innocentiam, improbitatem frangere, patriam ab hoste liberare, Senatus grauitatem, Principum maiestatem, populi impetum, militum ardorem, iudicum religionem Regum consilia oratione conuèrttere. Instrumentũ habere ad omnes scientias addiscendas, ad omnes errores uitandos, ad ipsius ueritatis occultæ cognitionem, ad rerum denique naturam, earumq; principia, causas, & accidètia peruestiganda. De rerum naturalium principijs, causis, elementis, natura, numero, causarum conuenientia, discrepantia, casu, fortuna, necessitate, motu, quiete, uacuo, loco, tempore, mutatione, alteratione, actione, passione, mixtione, generatione, corruptione, cometis, pluuia, grandine, niue, nube, caligine,

gine, pruina, fonte, fluuio, mare, vento, terremotu, corrusca-  
 tione perpetuitate motus et primi motoris diligenter, & ex qui-  
 sitè determinare. Motum cæli, figuram, polos, astrorum na-  
 turam, solis, & lune ecclipsim, cælestes influxus, signorum,  
 constellationumq; , reliquarumq; stellarum complexionesque  
 nam signa sint calida, quæ frigida, quæ temperata, quæ ma-  
 sculina, quæ feminina, ortus, obitusq; Planetarum, progressus,  
 status, regressus, coniunctiones, oppositiones, omniumque supe-  
 riorum corporum figuras, & imagines, perspicuè, & dilu-  
 cidè speculari. Animam, eiusque potentias, intellectum, vo-  
 luntatem, memoriam, sensus, externos, internosque omnes eius  
 effectus plenissimè scire, timores pellere, temperate viuere, pe-  
 cunie cupiditatem, voluptatum libidinem, & cæterarum per-  
 turbationū motus inhibere, animi defectibus summa cum di-  
 ligentia mederi, vitiorumque fibras expellere. Sanitatem  
 tueri, conseruare, præseruare, morbos, morbi causas, graua  
 symptomata profligare, etatū, regionum, temperaturas cogno-  
 scere, statum in cibo, potu, quiete, labore, somno, vigilia, ac-  
 re, exercitatione constituere, omniaq; illa non nescire, quæ  
 Medicinæ præcepta tradunt, usus, & experientia assiduè  
 comprobarunt. Nocentes punire innocentes liberare suum  
 cuique tribuere, omnibus ius dicere accuratè iudicare, placi-  
 do sermone trahere iudices, leges interpretari, de honesto, bo-  
 noque consulere, iniustitiā odisse. Remp. administrare, leges  
 obseruare, tandē ad ipsa profundissimè & Dimysteria, sum-  
 mo studio, & singulari diligentia metaphisicum deuenire.  
 Veruntamē quamquā omnibus scientiarum semina natu-  
 ra liberaliter infuderit, tamē vel quia aliquorum rei fami-  
 liaris tenuitas, vel imbecillitas ingenij, uel percipiēdi difficul-  
 tas, vel breuis aliquorum hominum vita, vel ætatis infir-  
 mitas

mit. Et certe quod mundus sapientissimorum virorum uult  
 sterilis esse, nec ad tantam felicitatem omnes peruenire conce-  
 dat. Ut omnibus, quod iocundissimum esset, & felicissimum  
 floreant, Unis attem illi admoveant manus, qui pluribus ad-  
 mouere non possunt, quæ in profundissimis defixa radicibus  
 ita adhærescat, ut nunquam ulla ui labefactari, nunquam  
 dimoueri loco, nec erripi, nec surripi possit, quæque neque in  
 cendio amittatur, nec tempestatum, nec temporum permuta-  
 tionem mutetur: robustum, validumq; corpus, ciborum va-  
 rietatem digerere, debile uero conquoquere non potest. capax  
 intellectus multa percipiet, debilis non intelliget. Non omnes  
 Aristoteles, Plato, Augustinus, Hieronymus esse possunt,  
 non ad tantum scientiarum fastigium euehi, non omnem fru-  
 gem, neque arborem in omni agro reperire. Sunt enim scien-  
 tiæ quædam fabulosa arbor altissima, & latissima multos ha-  
 bens truncos, & ramos, qui alios trunculos, & ramulos ordi-  
 nari continent, amnes tegmine foliorum ornati, cuius radi-  
 ces variæ sed una mixte, & amarae fructus uero dulces si-  
 mi, & iocundissimi, in nudiissimo, & viridissimo campo, ad  
 quem uia deserta, & inculce frondibus, spinis, ac virgulis  
 intercluse, magnifice, & superbe collocata. At uultu arbuta, &  
 virgulta peruertebant, multi introgressi admirabilem arbo-  
 rem intente contemplabantur, plurimi propter itineris diffi-  
 cultatem de uia dextra ad sinistram timide declinabant,  
 alij cum ascendere uellent, aliena ope indigebant, alij fructus  
 decidera faciebant, & alij eos occulte, & auide surripiebant,  
 alij tot fructus manducauerunt, ut mortui in ea misere repe-  
 ridentur, alij in uno, alij in altero truncos alij in infimo, alij in  
 medio, alij in supremo residebant: alij semen accipientes illud  
 seriebant, terra uero reperfectum amplexu suo diffundebat

& eliciebat herbescentem ex eo viriditatem; alij non solum  
 ramos, sed etiam radicum fibras euellere furiose conabantur.  
 Hanc arborem quæ semper floret, & nunquam deflorescit;  
 quæ semper viget, & nonquam consenescit, semper nouella,  
 & non vetula, quæ semper viuunt, & nunquam moritur; cam-  
 pum qui semper frugifer, & fructuosus, nec vlla pars eius de-  
 ferta, & inculta, sed semper omnium segetum feracissimus,  
 & vberimus, centuriones armis stipati, & vallati circum-  
 stabant, multique tyrones in istorum militia militabant, bellu-  
 à centurionibus commotum constantè confirmabant, singu-  
 liquè proprium vexillum sequentes, ad suum ducem velocis-  
 simè conuolabant, in acie versabantur, cum hostibus magno-  
 animi ardore confligebant. Duo duces inter ceteros acriori,  
 & grauiori certamine inter se miserandum in modum decer-  
 tabant; multi qui singulorum bellum non contemnebant, ac-  
 ceptas plagas anxie curabant sanandas, & inflammatos  
 animos quasi concordia quadam placabant, & leniebant.  
 Attamen cum aliqui arborem quasi puellam constuprare per  
 luxuriam voluissent, tunc omnes fædere inito firmi, stabiles,  
 & constantes mirabiliter omnium generum, atque ordinum  
 ad illam defendendam, & inimicorum impetum coercendū,  
 vnanimes conspirabant. Hæc est vniuersalis scientiæ arbor  
 quæ alias scientias, & vnaquequè alias comprehendit; viæ  
 sunt inculte, quoniam ad scientias capeffendas, multum labo-  
 re oportet, idèò sudor, labor, vigilia, in harni atrio, ac vesti-  
 bulo excubant, & cum ferè alia, pecunia emanant has labo-  
 re, & perseverantia Deus vanales proposuit. Qui arbus-  
 ta frangebant, hi sunt qui incipiunt studere; qui introgressi arbo-  
 rem respiciebāt sunt discipuli ij, qui cum in Gymnasiis præ-  
 ceptores tantum modò audiant, nihil præterea agunt, nulli rei  
 student.

Audent, sed tanquam Epicurei summum bonum in Volupta-  
 tibus aciem ponentes, in exculentis, & poculentis commessa-  
 tionibus, ludu, & luxu tempus intemperanter terunt, & con-  
 sumunt. Qui ad sinistram iter flectebat sunt, quos recta via  
 deterruit, ad viam vitij parum considerate confugiunt, quæ  
 primo ingressu amena, & facilis, repente vero fit præceps; sa-  
 xis aspera, sentibus obducta, gurgitibus intercisa, corréribus  
 rabida, ut laborare, herere, labi cadere sit necesse, ubi deni-  
 què latent omnia crassiss occulta, & tenebris circumfusa. Qui  
 ascendere cupiebant sunt, qui cum ingenuas disciplinas inge-  
 nio suo capere non possint, præceptorum ope utuntur. Qui  
 fructus arripiebant, qui labore, & alienis fruuntur vigilijs.  
 Mortui erant, qui præ nimia vigiladi lucubracione, vitam  
 cum morte intempestivè commutauerunt; Qui in vino, vel  
 altero trunco erant sunt varij virorum doctórum ordines.  
 Qui semen seminabant sunt, qui actente præceptores audien-  
 tes, domum profecti notatu digna scribunt, intellectuum les-  
 etionum sensum cum labore exprimentes, illumq; memorie  
 mandantes, disciplinarum fructus citò, & persfacile perci-  
 piunt. Qui radicum fibras extirpare experiebantur insul-  
 sissimi, & improbissimi homines, ex omnium scelerum collu-  
 nione nati, non solum bipedum, sed etiam quadrupedum im-  
 purissimi sunt; qui rudes omnium bonarum litterarum, &  
 infantes in dicendo, & scribendo, ut maledici convitiatores  
 clavis viris, & virtute præstantibus, quorum laus est in ex-  
 celsis, & illustri arboris loco sita obtreant, & ore impuri-  
 simo impiè, perversè, & nefariè maledicunt. Et quoniam  
 isti propter inscitiam, & ingenij stuporem, ac tarditatem, &  
 diuitiarum abundantiam, eorum præstantiam adæquare,  
 suarum suppletillum sordes non cognoscentes; intra suas se-  
 pelli-



pelliculas continere non possunt; aliene laudis obtrectatione si  
 bi famam ridicule credunt comparare. Putant enim sordes  
 vitæ posse eluere, & alios de dignitatis gradu deicere, longe  
 falluntur opiniones, non enim intemperantia vitæ, & intole-  
 ranti petulantia eiusmodi lues eluuntur, quoniam fama pre-  
 stantissimorum virorum imminui, aut obscurari non potest.  
 In hos hercle accommodari potest Lucretij illud, o mentes homi-  
 num cecæ? o pectora ceca? cum vituperatores ne dum scien-  
 tias, & peritos viros de facie agnoscant, in illas tum celeberrimas,  
 in hos tum præstantissimos, oblatrare audent, perinde  
 ac si culex Elephantem morderet, & formica Leonem tonde-  
 ret. Ostultitiam predicandam, o scelus indignum, o facinus  
 animo diuertendum, o cælum, o terra, o mari, o Neptuni.  
 Centuriones sunt preclari alicuius scientiæ auctores, & tyra-  
 nes istorum pedissequæ, qui non solum in eadem, verum etiam  
 in diuersis, scientiis varijs, atq; instabiles disciplinarumque  
 interpretes dissimiles, magnam hominum cæternam secum  
 trahentes, scientias, vera cum falsis, certa cum incertis, pro-  
 miscue confundunt. Qui adeo vehementer inter se pugna-  
 bant, Medici, ac iuris periti, quorum controuersie, & causæ  
 post iudices admissas, post litem contestatam, post constitutos  
 acerrimos propugnatores, post multa in veramque partem di-  
 cta, post immensas auctoritates adductas, post testium  
 examinationem, adhuc sub mercenario iudice dubitater per-  
 dent. Qui aduersus dilapidatores sædus inibant, sunt qui  
 virtute sua dolosos, imperitos, & circumforaneos obtrectato-  
 res obicerunt, perdunt, contundunt, quique decoris, & existi-  
 mationis litterarum retinendæ cupidissimi, cognita nefaria-  
 rum nebulonum inscitia, impudentia, infantia, & improbita-  
 te quibus credulam plebeculam pessime imperitissimi inso-  
 tuant

tuant, corrumpunt, contaminant, non ferunt diutius apud quos-  
 dam homines debachari, & lingue vipereæ procacitate, in  
 omnes bonos, & doctos insulfare. Et profecto cum mecum  
 ipse istorum hominum amentiam, & imperitiam considero,  
 animoq; intueor causas, quæ illos ita procaces in lacescendo, ita  
 rabidos in maledicendo efficiunt vnam ommissis ceteris præ-  
 cipuam esse reperio; animi quidam liuor, & inuidia, qua isti  
 ita laborant, ut pœneilia eis disrumpantur, & ita discrucian-  
 tur, ut pœne toto animo atq; adeo corpore aliquando concide-  
 re videantur. Hæc est causa, quæ homines & cecos, & præ-  
 cipites, atq; huc, & illuc transversos, & furentes agunt, &  
 impellunt. Est hoc profecto vitium commune, ac peruaga-  
 tum inuidia, quæ solum præstantia tangit, apud has pestes  
 hominum aliena laude dolentium, qui cum sint omnis virtu-  
 tis, & humanitatis expertes, ac litterarum indocti, nihilq;  
 recte, aut laudabiliter agere sciant, aut possint, anguntur in-  
 timis sensibus, si quem videant paulo altius euolare, ac eius  
 industriam excellentem omnium predicatione audiunt aliqua  
 in recommendari. Hic cum quadam barbara feritate, hostes  
 accerrimi sunt præclarissimis scientiis, tum vero bellum quod-  
 dam horrificum, & nefandum omnibus peritis impie indixe-  
 runt. Cognoscunt ipsi magno dedecore, & vituperatione se  
 nulli bonæ neque honestæ reieffe natos, se omnino infelicitèr  
 in literis versari imitæque ut aiunt Minerua, Audiu in ijs  
 collocare; suam ipsi hebetudinem, atque stupiditatem ferre  
 equò animo non possunt. Vellent emergere ex cæno, in quo,  
 ut sues lutulenti volutantur, sed frustra miseri elaborant.  
 Itaque suum ipsi fatum lamentantes, atq; aliorum virtuti in-  
 uidentes, scelere inflammati surunt apud sanos amentissimi  
 homines, & quasi inter sobrios bacchari vinolenti videntur,  
 gemitu,



gemitu, & lamentatione testantur gravissimos dolores quos  
 ex aliorum, vel animæ, vel fortune, ornamentis suscipiunt.  
 Sudant, pallent, dentibus strident, atq; ardentibus oculis, &  
 contorto pallio, ea intuentur, quæ pessimè oderunt, et quæ vi-  
 sa eis sanè acerbissimos pariunt dolores, ac tamen si velint in-  
 signem nequitiam frontis integumento celare, non ita tamen  
 sunt artificio simulatores eruditi, ut animi vitium nefarium  
 occultare queant. Evomunt enim virus acerbitalis suæ  
 eamq; passim iactant litteratorum semioli, ac turbines pa-  
 cis atq; otij, cum verbis insulsis, cum verò illitteratis litteris,  
 & in concione imperite multitudinis, & apud etiam graves,  
 & disertos viros, ut nemo illorum fatuitatem, atq; inscitiam  
 cum singulari improbitate coniunctam non apertissime co-  
 gnoscat. In quo cum multa sint indigna, & difficillima per-  
 pessus, cum tueri nihilominus est ferendum, quàm ut ij homi-  
 nes tandem nostra abutantur patientia, & facilitate, nosq;  
 impune eorum furor eludat, sed acriter tanquàm pro aris,  
 & focis est pugnandum, eorumque effrenata audacia omni-  
 bus viribus, opibusque est comprimenda, frangendus est spi-  
 ritus ferox, nefarius conatus est coercendus, atq; hæc inanis  
 doctrinæ persuasio à tabidis visceribus, atq; ex intimo pul-  
 mone istorum hominum impudentissimorum est revellenda.  
 Quod quidè ut quam primum fiat necesse est dentem Theo-  
 ninum ad lacerandam famam præstantissimorum virorum,  
 tam promptum, & paratum, cum ignitis forcipibus, & quã-  
 tis maximis poterimus viribus labefactare, & conuellere,  
 ita ut illi omnino edentuli videantur, ab alijsq; secernantur,  
 quia tunc non oportebit callidos istos, vafrosq; nebulones, fru-  
 ges consumere natos, telluris inutile pondus, tergiuersari, ac  
 suas inscitias apud imperitos homines occultare, decreta enim

ignavia, & audaciae, quodammodo costis tergora diripiuntur, visceraq; pecudum impurissima, nudabuntur, nec ullam afferent excusationem, sed omni sublata mora ab hac arbore proficiſcentur ſæliciſſima, nec clariori luce perfruuntur, ſed tanquàm nocturnæ aliquæ aues infauſti omnis, in ſole perpetuo caligabunt. Neq; verò amplius nugæ inſulſiſſimorum hominum audientur, quas in conſtrinis, in tarbenis cùm pharmacapolis, cùm opilionibus iactare conſueuerunt. Quod ſi iam proſtigati ſuas infantias agnoſcere noluerint, & per fas, & nefas in ſuis opinionibus permanere voluerint, tunc dent amemæ ſuæ pœnas, inſigni enim turpitudine notati, ſibilis clamoribus, ac denique ſuſtibus, & lapidibus præcipientes primoquoq; tempore eijcientur, exterminentur. Sed, Quid? iſtis ſycophantis, carophantis, onagris, cinocephalis plura obijcere? Quid enim aduerſus hanc arborem oblatrare poſſunt, quàm ſapientiſſimus Salamon regnis, & ſedibus præpoſuit, & diuitias præ hac nihil eſſe prudentiſſimè exiſtimauit, nec huic lapidem, pretioſum comparauit, quoniam omne aurum comparatione iſtius exigua arena, & tanquàm lutum in aſpectu illius argentum nitidiſſimum. Cuius auri, & argenti acquisitione acquisition melior, & ipſa ſola cunctis opibus præſtantior, & prætioſior, cùm omnia bona cùm hac tanta ſint, & etiàm quam celeftimè veniant. Hæc eſt illa arbor, in qua tanta eximia, & ſingularis pulchritudo refulget, & inter ſe coloris ſua uitæ omnes partes cùm quodam lepore ita conſentiunt, ut illa ſpecies ne excogitari quidem poſſit ornatior, cùm omnes omnium rerum venuſtates, in hanc coniunctim confluxerint, imò nihil pulchri, nihil boni præter hanc inuenitur; nam eorum quæ vulgo bona, atq; pulchra temere dicuntur, cuiusmodi eſt ſanitas, forma, robur, diuitia,

C. nullum

nullum pulchrum, vel bonum, nisi in bonum virtutis inciderit.  
 Se parata enim a virtute, non veram, sed adumbratam quā-  
 dam pulchritudinis & bonitatis similitudinem tantummodo  
 retinet; sola litterarum pulchritudo hanc habuit sortem, ut  
 maximè omnium perspicua esset, & amabilis. Si resp. ge-  
 rendae est, si praelia committenda sunt, si castra mutanda,  
 si machinae erigendae, si renouandi ageres, si propugnacula fa-  
 bricanda, si saluber aer eligendus, si aquae an veneno sint infe-  
 ste cognoscende, si militiae cultus, si reuerentia legum, si fini-  
 timarum gētium amicitiae sint seruandae, haec arbor omnia ad-  
 mirabili docet doctrina. Huius si quis utilitatē sequatur  
 nihil fructuosius, siuè oblectationem nihil suauius, & iocun-  
 dius, siuè splendorem, ac pulchritudinem nihil illustrius, aut  
 ad struendam nominis immortalitatem firmitus, aut stabilius  
 reperitur. Haec vitae gubernatrix, virtutum omnium parēs,  
 vitiorum expultrix, omnium rerum dux, princeps, & guber-  
 natrix, corpus quasi vestem hominibus scientiarum ad discē-  
 darum percupidis deponere cogit: exuitque incitiae indumen-  
 tium, interitus vinculum, viam mortem, sentiens cadauer,  
 ductile sepulchrum domesticum furem, mentem ad terrena  
 faecem diligentium eam deprimat, caenoque illigare non pati-  
 tur; sed veram intelligentiam caelitus haurit. Si beatè ac fa-  
 liciter viuere, vel in gaudio, vel in virtute, vel in prudentia,  
 huic arbori accedendum, in qua dies ac noctes cum oblecta-  
 tione consumantur, quae animum format, vitam disponit,  
 actiones regit, agenda, & demittenda demonstrat, inter pericu-  
 la fluctuantium dirigit cursum, sine hac profectio nemo secu-  
 rus erit. Non ita, reubarbarum flauam bilem, sena melan-  
 choniam, Agaricum pituitam purgant, ut minima istius arbo-  
 ris cortex debellantes, & inconstantes humores consumatissi-

me exacuatur; additq; hominibus imperium, quo excitantur,  
 addit iudicium, quo inuitet ad utilia, addit delectum, quo  
 potiora sequantur, addit prudentiam, & animi magnitudi-  
 nem, cum mansuetudine, cautioneq; coniunctam; non impiū  
 bellum parit in membris, non intemperiem, non flagitioforū,  
 humorum crudelissimam, & lachrimandam agitationem,  
 non miserimas perturbationes, & terribilissimos dolores, non cu-  
 piditatem, cum cupiditate pugnantem, non cogitationis, cum  
 cogitatione concursum, non veluti inconfinito cupientis, ac pe-  
 nitentis asperitatem, ac turbulentiā cum delectatione com-  
 mixtam, sed amica, & pacata sunt omnia. Hæc tandem  
 eum in aliquo exoriri incipit, obscuratis ceteris rebus, sola  
 splendidissime apparet, cunctæque sua luce lustrat, & com-  
 perit. Veruntamen cur ego vlietius prosequor? si res excellen-  
 tissimæ miro silentio sunt prætereunda, admiratione, & stu-  
 pore sunt conspiciendæ, nec vllius oratione augmentantur,  
 sed potius decrescunt, & minima particula facillime Ciceroni  
 defatigaret, longiores Iliadæ orationes essent conficiendæ,  
 infinitis propemodum voluminibus esset agendum. Istius  
 arboris cum Serenissimus Princeps quosdam surculos acce-  
 pissent, & in hac peræcelebri ciuitate scriisset, per breui temporis  
 spatio ad tantam præcelsitatem peruenierunt, ut Parmensis  
 ciuitas, per se primo satis celebris, nunc ferè toti orbi terrarum  
 celeberrima sit, & notissima. Non enim prudentissimum,  
 & acutissimum Principem latebat, nihil temp. magis splen-  
 didè, aut eius amplitudinem gloria, laude, & honoribus ma-  
 gis amplificare posse, quam si in ea vigeant homines in om-  
 nium disciplinarum genere præclarissimi, artes liberales, vir-  
 tus, doctrina, & studia omnium celebrandarum artium, quæ  
 indigenturi afferunt sobrietatem, senibus solatium, pauperibus

diuitias, diuitibus ornamentum, remp. moderantur, & sustentant, lubricam iuuentutem cærent, pauperibus sunt prouincitico, senectutis incommoda honesto solatio mitigans. Hanc arborem sibi conseruit illud omnium virtutum presidium, literatorum refugium, scientiarum ornamentum, prisca maiestatis absolutissimum exemplar, Illustrissimum Hieronymum Bernerium dico S. R. E. Cardinalem Amplissimum, alterum nostræ ætatis magnificentissimum, & liberalissimum Mæcenatem. Et vos o iuvenes, qui a pueritia animos Vestros ad studia nobilissimarum scientiarum appulistis, nihilq. Vehementius expectatis, quàm excellere aliquando ijs artibus, quibus res secundæ ornantur, aduersæ adiuvantur; & ut has preclaras has vestras cogitationes, & consilia ad exitum perduceretis, ad florentissimū Parmense Gymnasium, vos contulistis, & iam optimos, & eruditissimos viros delegistis, qui animos vestros preclarissimis disciplinis, & moribus extolant, & in omni recta intelligendi ratione instituāt, non est autem vos hæc omnia cogitasse, & incæpisse; sed perseverantiā, assiduitatem, constantiam retinere oportet; quandoquidem Lot vxor cum postea se repperisset, in salis statum versa est. Quamobrem nullius rei, inquam aut commodum, aut cūm vos abstrabat, aut voluptas auocet, aut piger somnus retardet, hæc enim res indignæ sunt ijs, qui se bonarum artium studijs dediderunt, cum quia non iacet in molli lecto sapientia, tum quia non decet sapientiæ amatores meliorem vitæ partem, quæ in vigilia consistit, mortis imagine commutare, & vitam, quæ hominibus tam brevis contigit, breuiorem reddere. Et antiquissimi illi sapientes, qui cupidam iuuentutem magnâ cūm mercede prestantissimis doctrinis erudiebāt, qui letissimo, & honorificentissimo applausu.



su, magna cum omnium Principum, ac Regum admiratione,  
 in publicis Gymnasijs garriebant, qui officinas summæ sa-  
 pientiæ instruebant, quibus omnis posteritas, non solum ob-  
 stupefcit, sed quorum in omnibus sæculis non immemor erit,  
 non blanda voluptate non otio effeminato luxu, & inertia,  
 vel desidia brauium litterarum attigerunt, sed multas no-  
 ctes serenas vigilauerunt, multas provincias peragrarunt, pe-  
 regræq; ut eruditos homines adiuuarent sunt profecti, nulli  
 labori, temporis, sumptui pepercunt, sed omnē vitæ cursum  
 in labore corporum, & animi contemplatione confecerunt;  
 Quæ omnia certissima, & firmissima argumenta sunt ad  
 probandum, vos plus olei quam vini insumere debere. Hæc  
 vobis dicat Plato, qui Pythagoricæ disciplinæ rātiū tribuit,  
 ut Pliloæ Crotoniæ æhagnoprætiolibros emerit, qui admirā-  
 di Nili fluminis inexplicabiles ripas, vastissimosq; campos,  
 effusam barbariem, & flexuosos fossarum, ambitus Aegy-  
 ptiorum discipulus lustrabant. Vobis dicat Carneades, qui  
 phil. saphicæ studio ita flagrauit, ut cum cibi capiendæ causâ  
 recubisset, cogitationibus totus inherens, manū ad mensam  
 porrigere obliuisceretur. Dicat C. Plinius, qui quamquā  
 in armis & negotijs obeundis totam transegerit vitam, tamē  
 litteris tantum operam dabat, ut in mensa legentem quoque  
 audiebat, aut notabat cum aliud agere eum oportebat, qui le-  
 ctica quoque vehabatur, ut in via vel legere, vel scribere  
 posset, & intelligendi tanto studio detinebatur, ut dum nimis  
 progreditur, incendij quo Vesuius deflagrabat causas inspe-  
 cturus, fumi magnitudine præfocatus interierit. Dicat Ari-  
 stoteles, qui teste Laertio in eius vita, cum se adquiescendū  
 componeret, solitus erat ancā spheram tenere in manu pelui  
 subiecta, eo consilio ut cum dormientis excussū pondus, in  
 subdi-

subditum uas aeneum incidisset, sana illius excitatus. *Alacriter repeteret. Dicat S. Thomas, cuius lecti & diligens,*  
*& pensculata adeo fuit, ut nec in proximo stante viderint*  
*oculi, nec interpellantium audierint aures. Dicunt tot, tantiq;*  
*alii preclarissimi viri, & etiam superbissimorum exercituum*  
*Imperatores qui in bello. Inquam studium, quod literis im-*  
*pendebant intermiserunt. Vos o iuvenes, ut addiscatis non est*  
*opus, ut tot annos in publicis scholis scientiarum, comparanda*  
*rum causa uiuatis. Nam Aristoteles. Vniuersam philoso-*  
*phiam adeo abundanter perfecit; Theologiam Angelicus Do-*  
*ctor grauissime, & copiosissime absoluit. Iustinianus san-*  
*ctissimas leges, Clarissimorum iurisperitorum ope breuiter re-*  
*strinxit, digessit, ac perpoliuit. Medicinam Hippocrates,*  
*Gal. & Auicenna, adeo docte, atque perite locupletarunt,*  
*summique viri reconditum, ac complicatum sensum, inter-*  
*pretando apertissime & planissime dilatarunt, euoluerunt,*  
*& extricauerunt, ut paucorum annorum curriculo, in vna-*  
*quaque scientia mediocriter excellere possitis. Neque ut*  
*egregios doctores, qui vos doctrinas docent queratis, ad*  
*longinquas oras, & exterarum nationes periculosum iter est con-*  
*ferendum, sunt enim in hoc excellentissimo Gymnasio. Viri,*  
*in omnium disciplinarum genere eruditissimi, qui rerum hu-*  
*manarum, naturalium, ciuiliu, & diuinarum, naturam acu-*  
*tissime noscunt, & omnem bene uiuendi rationem prudenter*  
*tenent, & persequuntur. Quamobrem Serenissimo Principi,*  
*eisque quos Gymnasi reformatores appellamus gratie*  
*quam maxime sunt habende, qui in doctissimis doctoribus*  
*querendis mentes omnes, & cogitationes duxerunt suas, &*  
*preclare id quidem. Non enim ignorabant, hoc esse tum pre-*  
*ceptum sapientissimorum virorum, tum etiam institutum*  
*cla-*



clarissimarum ciuitatum, & celeberrimorum Gymnasiorū,  
 in illelegendis preceptoribus, qui erudiende iuuentuti presi-  
 ciuntur, magna diligentia, prudentiaq; adhiberetur. In  
 quo quidem præclaro, & laudabili more retinendo, & colen-  
 do Valere est Lacedæmoniorum laudanda prudentia, qui de  
 adolescentum disciplina vehementer laborabant duoq; potissi-  
 mum attendebant, delectum præceptoris, & præmiū prome-  
 ritō eius constitutionem, nam fieri potest, ut ad quorundam  
 commentationem, aut crebris pollicitationibus alicuius profi-  
 tentis, se docere quæcumque omnes doctores docere possint, eli-  
 gantur indocti interdum moribus hæud satis probabiles, ab  
 ijs qui non spectant quomodo iuuentuti consulant, accu-  
 ratius perpendentes, cui committant canem, Velequū, quàm  
 cui periculosam, ac precipitem iuuentutem diligenter credant.  
 Quare ego non possum non summopere prudentissimi Principis,  
 & diligentissimorum reformatorum singularem diligen-  
 tiam commendare, qui cum vicinas, & longinquas ciuitates  
 usquequaque circumspexisse, omnibusq; vestigijs sedulo in-  
 dagasse sicubi insignem philosophum, Medicum, iurisperi-  
 tum, vel Theologum inuenirent, eorum, qui clare & lauda-  
 biliter in his muneribus versarentur paucitatem deprehēdis-  
 sent, tandem celebritate fame nonnullos huc magna merce-  
 de conduxerunt, ut audax, & appetens iuuentus, in littera-  
 rum studijs adulesceret, & sub his præstantissimis doctori-  
 bus colophonum addere posset, Eia ergo in hac vestra esflo-  
 rescēte ætate, ut idoneo tempore in scientias incumbite, hoc si  
 amiseritis nullum unquam estis repetituri dates per generoso-  
 se indolis; oscitantem, & dormientem sapientiam excitare.  
 Insideat in mentibus vestris alacritas studendi, quæ noctes,  
 & dies animam gloriæ stimulis acriter concitet. Agricolas

las imitemini, qui anteaquam gravidum semen humi se-  
 liant, aratrum circunducunt, & eius vomere terram perstri-  
 gunt, lapides, & impedimenta utique tollunt, vos ingenii  
 consuetudine, exercitationeq; intelligendi acuite, quæ obstat,  
 quæ intellectum obtundunt, ut conspurcatissimam luxuriam,  
 languidum, & effeminatum otium, omneq; vitium nefarium  
 prorsus, funditusq; auferre. Nam preterquamquod nihil est  
 tam mortiferum ingenijs quam scelerata libido, sitq; immen-  
 sa vorago, & gurgēs omnium vitiorum, quæ ut voracissi-  
 ma Caribdis tot res ingurgitat, & tam cito, rabideque absor-  
 beat, & delicato cibo, & exquisito potu ventrem rapacissi-  
 mum furenter obruat, prudentiam impedit, menti tenebras  
 offundit, iudicium labefactat, suis blanditijs ac lenocinijs,  
 quasi infamis meretricula quædam mentes hominum ad se  
 allicit, atq; indissolubili nodo illaqueat, intellectum hebetat,  
 memoriam deperdit, ignorantiam inducit, vires eneruat, ho-  
 minem bestiam reddit, animam offendit, corpus ut fœdissimam  
 latrinam conspurcat, omnemq; hominis naturam in execran-  
 dorum vitiorum cæno misere prosternit, à quo non quis faci-  
 le pedem efferre potest; boues enim in profundum limum de-  
 lapsi, quanta maiori vi enituntur ut euadant, tanto altius in  
 illum demerguntur. Itaque si ad iuuenilem libidinem copia  
 voluptatis ut ignis oleo gliscet, si vos ventri dediti per inertiam,  
 & lasciuiam vitam molliter, delicateq; egeretis, pudorem au-  
 dacter neglexeritis, asinos, porcos, lupos subire decet; cum in  
 loco illo Circes, animæ vestræ ob immoderatam concupiscentiâ vo-  
 nenosis poculis perniciosè capte fuerint, quæ locum tanquam  
 fœuissimam pestem, & tanquam ventris, & gutturis illicitum  
 cibum fugere maximopere debetis, si enim generose indo-  
 li vestræ innasci turpiter permisertis, & recta ratione, precla-  
 roque

raq; studio, quod iam natum celeriter non reuulseritis, ac totum habitum immutaueritis quo decens aptaq; euadat, nihil est quod tetris, & immanibus belluis mitiores fore speretis. Concupiscentiae ergo frenum imponite, illis dulcibus potionibus non permulcti, nec irreti omnia blandimenta, quae occultam trahunt voluptatem, libenter recusate, sed suis illecebris vos Virtus humaniter atq; amabiliter trahat aduerum, & sempiternum decus. Dulces potiones corpus obstruendo causaegritudinis sunt, amarae ad perfectam sanitatem valetudinarios homines reducunt. Otium à vobis quam longissime absit, ut enim innumerabilia, quae dicere possemus, missa faciamus; solum vobis ante oculos ponite, intactam terram sterile scire, immobilem aerem corrumpi, conclusam aquam manescere, otiosum ignem in cinerem verti, ferrum rubigine laedi, omnia otiosa languere, naturales illos igniculos quibus homines ad sciendum trahuntur tepidiores fieri, si caeli ipsi immobiliter sisterent, rerum generationes ad nihilum reducerentur, ingenium etiam labore non excultum misere euanesceat, & quamuis ubere sit folio, tamen si cessat sentibus, fructibusque praeue obsecus squalet, sicut enim torpedo maritimus piscis, quando se in retibus inuoluit, ita nudorum piscatorum frigiditas, argentesque manus, & humidus lacertos, suo afficit stupore, ut stupore affecti, moueri non possint, eiusdem qualitatis erit otium, cum in corpora vestra altius deprehenderit. Tandem omnis cessatio ab agendo mala, turpis, irrationalisque, nisi quae reparandarum virium gratia sunt, ut si à laboribus aliquandiu cessetur ad illos postea redditus recen-  
 tiori cum vigore, & robore fiat. Si etiam aliquod lolium ingenio vestro serpat, qui contactu nocere possit scindite, ut in totum corpus & alacriter non transfiliat, est enim vitium abij-

rendum, & ferro, & igne, & omnium disciplinam machinis  
radicitus euellendum; Ut enim herba illa quàm Cascutam  
herbarij appellant, quamquè in herbescentibus pratis istius  
circumiacentis agri, quasi supèr alias supernatantem intueri  
possitis, ita eas amplectitur, ita pèssima afficit qualitate, ut si  
cum alijs herbis nascatur, eas crescere non sinat, si iam proce-  
res facte sint atrocissimè iugelet, optimumq; earum alimen-  
talem humorem, in suam substantiam conuertat. Sic vi-  
tium si cum scientia oriatur homines discendo proficere nec  
subtilitèr intelligere possunt, si acquisito doctrinæ adueniat  
itè eam lacerat, ut Virtus in vitium pènitùs mutetur. Ne  
quis vestrum dicere audeat, mihi non est datum comparare  
scientiam, insulsissimæ nugæ erunt, nulli est præclusa, omni-  
bus patet, omnes admittit, omnes inuitat, ingenuos, liberti-  
nos, seruos, Reges, Principes, & exules, in vestra potestate,  
non præclarissima, & excellentissima laude digna existima-  
retur, si vel natura vel diuina sorte contingeret. Nihil diffi-  
cile volenti, iuuenes estis, virides Virgas homines nullo ne-  
gotio flectunt, quocùnquè volueritis ingenium vestrum con-  
torseritis. Et ut in optimam partem illud torqueatis, & ali-  
quando cum d. Paulo, bonum certamen certauì, fidem ser-  
uauì, cursum consummaui apertè & verè dicatis, prius ab om-  
ni scelerù labe expiati, in hoc sanctissimo, & religiosissimo  
templo, cuius ab omnibus religio propagata est, quedq; ma-  
gna populi frequentia sanctissimè colitur; Dei paræ Virginis  
Mariæ, quæ ut publica monumenta tradunt, ab hora nona  
diei vsquè ad solis occasum in lectionibus Veteris testamen-  
tise continuò exercebat, etiàm atq; etiàm auxilium implo-  
rate, hæc Unigenitum filiū suum patris sapientiam, enixè ro-  
gabit, filius à Patre maximus præcibus contendet, quicquid  
velit

Velit filius, velit etiã Pater filio nihil pater negabit, vobis  
 peroptata bona liberalissimè largietur, atq; condonabit, &  
 mentem fortasse concreta caligine offusam splendidissimè illu-  
 strabit, quæ falsis ampliùs non decipietur imaginibus, eaq;  
 a sensuum colluione ad mundi spectaculum, & ad rerum  
 naturam perlustrandam egredietur, & vitiorum so-  
 luta vinculis cælestia, humana, atq; diuina  
 meditabitur, & ita scientias hic addisce-  
 tis, certissimam, & perfectissi-  
 mam omnium rerum cogni-  
 tionem vobis po-  
 stea tradet  
 in cælis, ubi æuo sempiterno  
 perfruemini.

Dixi.

